

宋詩紀事

宋詩紀事

宋詩紀事卷六

西崑體

錢唐 厲 鶚 緝

祁門 馬曰琯 同緝

楊億

億字大年建州浦城人七歲善屬文雍熙初年十
一名試詩賦授祕書省正字淳化中命試翰林賜
進士第真宗朝歷官知制誥天禧中拜工部侍郎
翰林學士兼史館修撰卒贈禮部尚書諡曰文有
括蒼武夷潁陰韓城退居汝陽蓬山辭榮冠黿等
集及內外制刀筆

詩林廣記三朝正史云楊億祖父逸爲僞唐玉山令億將生文逸夢一道
士自稱懷玉山人未幾億生有紫毛被體七尺餘經月乃落

儒林公議楊億在兩禁變文章之體劉筠錢惟演輩皆從而效之時號楊
劉三公以新詩更相屬和極一時之麗億復編敘之題曰西崑酬唱集當
時祧薄者謂之西崑體其他賦頌章奏雖頗傷于雕摘然五代以來燕鄣
之氣由茲盡矣陳從易頗好古深擯億之文章億亦陋之天禧中從易試
別頭進策問時文之弊曰或下里如會粹或叢脞如急就億黨見者深嫉
之

丹陽集咸平景德中錢惟演劉筠首變詩格而楊文公與之鼎立號江東
三虎謂之西崑體大率效李義山之爲豐富藻麗不作枯瘠語

古今詩話楊大年錢文僖晏元獻劉子儀爲詩皆宗李義山號西崑體後
進效之多竊取義山語嘗御賜百官宴優人有裝爲義山者衣服敗裂告
人曰爲諸館職搏撻至此聞者大噱然大年詠漢武詩云力通青海求龍
種死諱文成食馬肝待詔先生齒編貝忍令乞米向長安義山不能過也

漢武

蓬萊銀闕浪漫漫弱水回風欲到難
光照竹宮勞夜拜露溥金掌費朝餐
力通青海求龍種死諱文成食馬肝
待詔先生齒編貝那教索米向長安

無題

合歡蠲忿亦休論夢蝶翩翩逐怨魂祇待傾城終未笑不
曾亡國自無言風翻林葉迷歸燕露裊荷池觸戲鴛湘水
東流何日竭烟篁千古見啼痕

淚

錦字梭停掩夜機白頭吟苦怨新知誰聞隴水回腸後更
聽巴猿拭袂時漢殿微涼金屋閉魏宮清曉玉壺敲多情
不待悲秋意祇是傷春鬢已絲

洞戶

洞戶飛甍接綺寮一春幽恨寄蘭苕書題枉是藏三歲壺
矢誰同賽百嬌水國風霜凋社橘仙山雲霧隔江潮東城
劍騎何曾出祇爲離愁髀肉銷

宋詩紀事卷六
霜月

月夕露爲霜心知厭燭房吟殘猶擁鼻望極自回腸
鬢減前秋綠衣消外國香星津誰待報織素未成章

劉校理屬疾

北窗風勁雪雲繁移疾端居避世喧載酒誰過楊子宅
張羅休署翟公門多才最許飄飄氣少別還銷黯黯魂
促爾徘徊憶眞賞遠天新月照黃昏

懷舊居

武夷山穴近吾廬鬪鴨闌摧菊閣虛千匹歲儲妨種橘
百金春事廢觀魚北山烟霧迷歸轍南陌風塵化客裾
堂上金絲應已歇豈惟蘭菊舊叢疎

因人話建溪舊居

聽話吾廬憶翠微
石層懸瀑濺巖扉
風和林籟披襟久
月射溪光擊汰歸
露晞荒涼迷草帶
雨牆陰濕長苔衣
終年已結南枝戀
更羨高鴻避弋飛

以上西崑酬唱集

宣召赴龍圖閣觀太宗御書應制

五年十月

非烟蔥蔚蒼龍闕
紫府深沈大帝居
羣玉中天開策府
神龜溫洛薦圖書
珠宮岑寂經行處
金簡熒煌拭目初
曾是先朝受恩者
因探禹穴涕漣如

偶書

朱輪遠守未成歡
薄宦令人意漸闌
郡閣政清慵按吏
鄉園路近欲休官
梅花遶檻驚春早
布水當簷覺夏寒
已是

三年不聞問何如歸去把魚竿

畱題黃山院

禾黍離離一逕通遊人攬轡卽過從
趁齋幽鳥聞疎磬出定高僧見履松
夜靜龕燈凝古殿雨餘巖溜迸前峯
昔年曾此題名處素壁敲斜翠蘚重

坐中朱博士言今荆南張諫議典襄陽
日常畱意一妓公頗畏內終不得近及
移郡荆渚泣別郵亭乃爲歌詞流布巴
郢予感其事賡而成詩

駸駸五馬江陵去寂寂雙娥漢水頭
一曲歌終眉黛斂十分酒盡淚珠流
陽春郢客傳新唱暮雨高唐夢昔遊
瓊樹無人敢親近章臺京兆不勝愁

武夷山

靈嶽標眞牒孤峯入紫氛
藤蘿暗仙穴猿鳥駭人羣
古道千年在懸流萬壑分
漢壇秋蘚駁誰似武夷君

以上武夷新集

詠傀儡

鮑老當筵笑郭郎
笑他舞袖太郎當
若教鮑老當筵舞
轉更郎當舞袖長

後山詩話

貽館閣

聞帶宮花滿鬢紅
上林茲管侍重瞳
蓬萊咫尺無由到
始信仙凡迥不同

澠水燕談錄楊文公初爲光祿丞太宗頗愛其才一日後苑賞花釣魚宴詞臣不得預以詩貽諸館閣云云諸公以詩進呈上詰有司所以不召以未貼職例不得預卽命直史院免謝令預晚宴時以爲榮

夜懷

獨倚青桐聽鼓聲參旗歷落上三更涼風卷雨忽中斷明
月背雲還倒行賴有清吟消意馬豈無美酒破愁城是非
人世何須較方外吾師阮步兵

詩林萬選

贈張季常

疊巘參差翠繞門雕梁賀燕自成羣割雞日夕期嘉客種
竹寒暄對此君且向東臯輸黍稷便應北闕降元纁子真
漫說耕巖石不奈聲名四遠聞

萬姓統譜季常名舜憲三與計偕不利絕意功名放懷林壑與文公世親
文公自括蒼解印趨朝兩造其居贈之詩

昇山寺

層巒連近郭占勝有招提宿霧昏金像飛泉濺石梯鐘聲

空郭蒼塔影亂雲齊千騎時來此尋幽獨杖藜

建寧府志

句

關榆漸落邊鴻度勸到劉郎酒十分

送劉綜學士出鎮并門詩話總龜

錢惟演

惟演字希聖吳越忠懿王俶之子少補牙門將歸
宋累遷翰林學士樞密使罷爲鎮國軍節度觀察
畱後改保大軍節度使知河陽入朝加同中書門
下平章事坐事落職爲崇信軍節度歸鎮卒諡曰
思改諡文僖有擁旄集伊川集

茗溪漁隱叢話歐公花品序云予居府中時嘗謁思公見一小屏立後細
書序滿其上思公指之曰欲作花品此是牡丹名凡九十餘種然予所見
而今人多稱者纔三十許不知思公何從而得之多也東坡云惟演爲西
都畱守如置驛貢洛花識者鄙之此宮妾愛君之意也故于荔枝嘆亦云

洛陽相君忠孝家可憐亦進姚黃花蓋爲思公惜之也

宣曲二十二韻

絳縷初分後銀鑲未解時已障紈扇笑惟捧玉壺悲乞巧
長生殿迎風太液池雕屏涵火齊寶帳隔琉璃欲買詞人
賦空傳狎客詩蔗漿消內熱瓊藥療朝飢綺蒂桃初熟紅
心草欲披凌波渡羅韞向日翳華芝素臉分丹柰香津滴
紫梨龍梭隨振素獺髓補凝脂蓬餌重陽節金針七夕期
玉膏嘗瀦溢翠蓋逐歲蕤弦急哀隨指歌長恨入眉青鸞
惟有舞赤鳳可能疑下蔡迷還易平陽破未知髻高釵自
墜腰細佩長垂出恐嚴鐘晚歸嫌鈿幃遲轆轤驚晚夢鸚
鵡漏春思魂怨惟愁斷腸柔已白危瑩瑤螢影度瓊戶蘇

花滋掩鼻讒難訴披圖悔豈追祇應金帶枕聊爲達微辭
赤日

漏淺風微夜未勝雨雲無迹火雲凝簟鋪寒水頻移枕帳
卷輕烟更背燈沃頂幾思金掌露滌煩誰借玉壺冰蘭臺
知有披襟處宋玉多才獨自登

明皇

山上湯泉架玉梁雲中複道拂瑤光絲囊暗結三危露翠
幃時遺百和香枉是金雞親便坐更拋珠被掩方牀恩恩
一曲涼州罷萬里橋邊見夕陽

無題

誤語成疑意已傷春山低斂翠眉長鄂君繡被朝猶掩荀

令熏爐冷自香有恨豈因燕鳳去無言寧爲息侯亡合歡
不驗丁香結祇得淒涼對燭房

耿耿寒燈照醉羅看朱成碧意如何虎頭辟惡無妨枕犀
角涼心更待磨惟有幽蘭啼月露可將尺素許雲波山屏
六曲歸來夜祇恐重投折齒梭

淚

家在河陽路入秦樓頭相望祇酸辛江南滿目新亭宴旗
鼓傷心故國春仙掌倚天頻滴露方諸待月自涵津荆王
未辨連城價腸斷南州抱壁人

始皇

天極周環百二都六王鍾鐻接流蘇金椎漫築甘泉道七

首還隨亢圖已覺副車驚博浪更攜連弩望蓬壺不將
寸土封諸子劉項由來是匹夫

方虛谷云督亢之亢作平聲作仄聲用亦可

初秋屬疾

蜜房初滿若榴紅秋意如侵玉井桐薤簾自憑南郭几穀
巾猶臥北窗風雲迷候雁辭遙塞露溼飛螢起暗叢病已
不須傳七發粉箋香墨寄詩筒

寄靈仙觀舒職方學士

方瞳元鬢粉闌郎絳闕齋心奉紫皇徵士高懷雲在嶺騷
人秋思水周堂閑園露草開三徑靈宇華燈燭九光知有
美田堪種玉幾時春渚逐歸艎

與客啟明

越溪微霰灑寒梅家近嚴陵古釣臺夢欲成魚通夕去書
曾憑犬隔秋回干時不爲侏儒米樂聖猶銜叔夜杯帝右
豈無楊得意漢宮須薦長卿才

此夕

曲瓊斜挂影沈沈火齊屏風六曲深春瘦已寬連理帶夜
長誰有辟寒金珠拋月浦空涵淚琴怨蘭臺漫寄心碧玉
可能攀貴德阮郎追騎更駸駸

致齋太乙宮

齋潔奉惟馨瑤臺獨自升樓迷五里霧壇燭九枝燈珠館
來青雀璇題射玉繩疎鍾平野闊古栢夕霏凝鶴扇眞規
月仙衣可縷冰春茶泛雲液曉飯薦蘭蒸鍊藥疑洪井藏

書類羽陵回瞻太帝室飛檻更長憑

戊申年七夕

玉露金河顥氣涼辛夷車轉桂旗香嫦娥可是多猜忌不

駐瓊輪放夜長

以上西崑酬唱集

對竹思鶴

留守西洛日作

瘦玉蕭蕭伊水頭風宜清夜露宜秋更教仙驥傍邊立盡

是人閒第一流

能改齋漫錄

句

高爲天一柱秀作海三峯

幼時父俶使賦遠山東都事畧

置酒軍中樂聞

笳塞上情

送劉綜學士出鎮并門詩話總龜

日上故陵烟漠漠春歸空苑水潺

潺

西洛懷古文公談苑

雪意未成雲著地秋聲不斷雁連天

奉使塗中

客